

Sakspapir

Saksnr	Utvalg	Type	Dato
091/21	Kommunestyret	PS	16.12.2021

Saksbehandler	Arkiv	ArkivsakID
Bjørnar Fjellhaug	FA-A30	21/1299

Vedtekter for Austrheim kulturskule

Vedlegg

Framlegg til vedtekter for Austrheim kulturskule
Rammeplan nynorsk versjon

Framlegg til vedtak:

Austrheim kommunestyret vedtek «Vedtekter for Austrheim kulturskule» slik dei ligg føre.
Vedtektene vert gjort gjeldande frå 01.01.2022.

Kommunestyret - 091/21 - 16.12.2021

KS - behandling:

Leiar for kulturskulen, Elisabeth Jensen Risnes, orienterte om vedtekter for Austrheim Kulturskule, som er utarbeidde no. Risnes gjekk gjennom vedlegget til sakspapira.

Gro Kaland (Sp) oppfordra til at ein vert flinkare til å ta korpsdeltakarar inn i kulturskulen. Elisabeth Jensen Risnes svara at ein skal sjå på dette.

Handsaming i kommunestyret:

Samrøystes for kommunedirektøren sitt framlegg til vedtak.

(16 stemmer, Jan Erik Espelid frå Bygdelista var ikkje på plass)

(I denne saka var Hege Ramsland vara for Aslak Andre Bakke)

KS - vedtak:

Austrheim kommunestyret vedtek «Vedtekter for Austrheim kulturskule» slik dei ligg føre.
Vedtektene vert gjort gjeldande frå 01.01.2022.

Saksopplysninger:

Bakgrunn

Kulturskulen sitt samfunnsoppdrag er forankra i Opplæringslova sin paragraf §13-6:

«Alle kommunar skal aleine eller i samarbeid med andre kommunar ha eit musikk- og kulturskuletilbod til barn og unge, organisert i tilknytning til skoleverket og kulturlivet elles.» (1997)

Kulturskulen sitt føremål og måsetjingar kan bidra til å taka i vare forpliktingane Noreg har gjennom internasjonale konvensjonar. Noreg ratifiserte FN sin barnekonvensjon den 8. januar 1991, og i 2003 vart barnekonvensjonen med tilleggsprotokollar teke direkte inn i norsk lov gjennom menneskerettslovene §2-4. Barn sine rettar til kunst og kutlur er nedfelt i barnekonvensjonen sin §30 og 31.

Kulturskulen byggjer på eit humanisitisk menneskesyn og på samfunnsverdiar som fellesskap, ytringsfridom, menneskeverd og demokrati. Det norske samfunn rommar eit veksande mangfald av kulturelle uttrykk. Kulturaktivitetar skapar arenaer for å høyre til og sosialt fellesskap og kan inspirere til deltaking i fellesskapet.

Føremålet for kulturskulen er å utvikle og taka i vare kunstnerisk og kulturell kompetanse. Til grunn ligg eit heilskapleg syn på mennesket og ideen om at alle menneske har formsans og uttrykksbehov som kan utviklast gjennom opplæring. Kunst- og kulturuttrykk rører ved grunnvilkåra ved tilveret vårt som glede, lengsel, draumar, melankoli og einsemd, og er fundamentale i dannelsingsprosessen.

Kulturskulen skal gje opplæring av høg fagleg og pedagogisk kvalitet til alle born og unge som ynskjer det. Føremålet med opplæringa er å lære, oppleve, skape og formidle kulturelle og kunstneriske uttrykk. Kulturskulen er ein sentral del av den samanhengande utdanningslinja som kvalifiserer elevar med særleg interesse og motivasjon til opptak i høgare kunstfagleg utdanning. Opplæringa skal bidra til barn og unge si danning, fremja respekt for andre si kulturelle tilhøyre, bevisstgjere eigen identitet, bli kritisk reflekterande og utvikle eigen livskompetanse.

Kulturskulen skal også vere eit lokalt ressurscenter og ein samarbeidande aktør i grunnopplæringa og kulturlivet i den einskilde kommune.

Rammeplan for kulturskulen – mangfald og fordjuping er lagt ved saka.

KS (kommunesektoren sin organisasjon) og Norsk kulturskuleråd (kulturskulerådet) samarbeidar om eit prosjekt kor føremålet er å setje fokus på kulturskulen sin funksjon, oppgåve og rolle i samfunnet og i det kommunale tenestetilbodet. Ei av oppgåvene prosjektet har jobba med, er å skildre kjenneteikn på «Fremtidens kulturskole». Eit notat til dette finn du på denne lenkja: https://www.kulturskoleradet.no/_extension/media/7342/orig/2020%20Fremtidens%20kulturskole%20-%20kulturskole%203.0%201.5.pdf «Fremtidens kulturskole» også omtala som «Kulturskule 3.0», er inspirert av kommune 3.0 som kort skildra som samskapingskommunen. Ein videosnutt syner litt kva det inneber å sjå på Kulturskule 3.0. <https://vimeo.com/453660113>

Austrheim kulturskule er administrativt lagt under Kaland skule og ein er godt i gang med etableringa av kulturskulen frametter.

Austrheim kulturskule har ikkje hatt vedtekter. Kulturskuleleiar har utarbeidd framlegg til nye vedtekter for kulturskulen.

Desse vedtektene vert no lagt fram for kommunestyret til vedtak.

Vurdering

Kommunedirektøren vurderer at det er viktig å ha gode vedtekter som rammar inn kulturskuletilbodet vårt. Det vert viktig å nytta kulturskulen frametter og kva posisjon og tilbod den skal tilby. Kommunen er ansvarleg og kommunestyret som eigar, vert ein viktig medspelar på å setje rammer for framtidas kulturskule.

Konklusjon

Kommunedirektøren tilrår at kommunestyret gjer følgjande vedtak:

Austrheim kommunestyret vedtek «Vedtekter for Austrheim kulturskule» slik dei ligg føre. Vedtektene vert gjort gjeldande frå 01.01.2022.